

七液纏注五藏華生令我神仙長亨利貞畢閉目逆氣良久覺熱爲候竟又叩齒二七通咽液三七過此三元解穢內法

練祝死屍法

出青要紫書
金根眾經

紫書訣云凡修上清之道兆身父母伯叔兄弟於世上死亡兆身未得絕跡故在人中身履死殮者三日當取清水一盆真朱一兩投水中兆於中庭南向臨水上叩齒九通咒曰

氣化成神尸變入玄三化五練昇入九天九天之劫更度甲身甲身更化得爲真人男屍思玉童三人女屍思玉女七人盆盛水以灌死人取水自洗手面仰天噴嚏又陰咒曰

天氣已清人化已生得生上天九變受形五苦三塗斷落死名

道藏輯要

雲笈七籤
十

三七

井集三
×川文

超度窮魂還向帝庭如此亡人更受化生於九天之上九年得昇玉清之宮其法妙於大洞度七祖之法玉帝所秘不傳非真有金名帝圖錄字紫文者得見此文勿輕施用妄傳於人七祖父母長閉鬼門三塗五苦萬劫不原四極明科七百年有真者聽傳

修行咒咀訣

夫身者神之宅神者身之器若不安宅以全道修身以養神則精氣爲物遊魂爲變以成萬類宜常拘咒也故須存思守一神器研精道心則眾神備矣邪氣去矣太上寶神經曰每日早起早起每至平坐東向抑或春夏東南秋冬西北任所宜先以兩雞鳴時也